



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_203
Տուգանք նշանակելու մասին

21.06.2023թ.

ք. Երևան

Քննելով տեսչական մարմնի կողմից 2023թ. ապրիլի 11-ի N 246-Ա հրամանով

«ԼՈՒԻԶԱ ՍԱՐԳՍՅԱՆ ԳԱԳԻԿԻ» Ա/Ձ-ում /ՀՎՀՀ՝ 20153834/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 246-Ա կազմված 06.06.2023թ., խախտումների մասին 16.05.2023թ. արձանագրությունը և այլ նյութերը), որոնցով բացահայտվել է որ՝ Ա/Ձ-ն զբաղվում է ավտոմոբիլային բենզինի (ԱԻ-92-Կ5, ԱԻ-95-Կ5) և դիզելային վառելիքի (ԴՎ-Ա-Կ5) մանրածախ վաճառքով Ջրվեժ, Թևոսյան 43/3 հասցեում և 18.11.2022թ.-ից հացաբուլկեղենի արտադրությամբ, իրականացնելով մանրածախ վաճառք Մոլդովական 25/3 հասցեում: Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ավտոմոբիլային և ավիացիոն բենզինի, դիզելային և նավթի համար նախատեսված վառելիքի, ռեակտիվ շարժիչների համար նախատեսված վառելիքի և մագուրի ստուգման վերաբերյալ» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման ընթացքում պարզվել է, որ Ջրվեժ, Թևոսյան 43/3 հասցեում պարտադիր օրենսդրական չափագիտական հսկողության ենթակա չափման միջոցները 2 հատ բաշխիչ աշտարակներ յուրաքանչյուրը 2 ճկափողերով, 14.03.2023թ.-ից առ ստուգման պահը շահագործվել են առանց ստոգաչափման, որպեսզի զանցանքը նախատեսված է ՎԻՎ օրենսգրքի 158-րդ հոդվածի 44-րդ մասով:

Մոլդովական 25/3 հասցեում գտնվող հացաբուլկեղենի արտադրամասում իրականացվում է հացաբուլկեղենի արտադրություն և մանրածախ վաճառք, որտեղ 2 հատ կշեռքները 18.11.2022թ. առ ստուգման պահը շահագործվել են առանց ստուգաչափման, որպեսզի զանցանքը նախատեսված է ՎԻՎ օրենսգրքի 158-րդ հոդվածի 23-րդ և 188-րդ հոդվածի 3-րդ մասերով:

Ստուգմամբ հայտնաբերվել է նաև, որ բենզինի և դիզելային վառելիքի մանրածախ վաճառք իրականացնելիս բենզալցակայանում բացակայում է օրենքով սահմանված 5լ.

կամ 10լ. անվանական տարողությամբ ստուգաչափված տարա, որպեսզի զանցանքը նախատեսված է ՎԻՎ օրենսգրքի 158-րդ հոդվածի 42-րդ մասով:

Ստուգման ընթացքում վերցվել է բենզինի (ԱԻ-92-Կ5, ԱԻ-95-Կ5) և դիզելային վառելիքի (ԴՎ-Ա-Կ5) փորձանմուշներ, որոնք հանձնվել են «Ստանդարտացման և չափագիտության ազգային մարմին» ՓԲԸ-ը փորձարկման: Ըստ փորձարկման թիվ 429 արձանագրության՝ դիզելային վառելիքի (ԴՎ-Ա-Կ5) ծծմբի պարունակությունը կազմել է 1400, մինչդեռ ըստ ՆՓ-ի պետք է լինի 10-ից ոչ ավել, իսկ ըստ փորձարկման թիվ 428 արձանագրության՝ բենզինի (ԱԻ-95-Կ5) օկտանային թիվը կազմել է 92.5 մինչդեռ ըստ ՆՓ-ի պետք է լինի 95-ից ոչ պակաս, որպեսզի զանցանքը նախատեսված է ՎԻՎ օրենսգրքի 188-րդ հոդվածի 7-րդ մասով:

Փաստացի խախտվել է՝ «Չափումների միասնականության ապահովման մասին» ՀՀ օրենքի 16-րդ հոդվածի 1-ին մասի և «Առևտրի և ծառայությունների մասին ՀՀ օրենքի 6-րդ հոդվածի 17.2-րդ կետի և 9-րդ հոդվածի 17.2-րդ կետի ՀՀ կառավարության 22.04.2022թ. N 537-Ն որոշման հավելվածի 7-րդ կետի, Մաքսային միության հանձնաժողովի 18.10.2011 թվականի N 826 որոշմամբ հաստատված ՄՄ ՏԿ 013/2011 կանոնակարգ 4-րդ հոդվածի 4.1-րդ և 4.4-րդ կետերի պահանջները:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում՝

Լուիզա Գագիկի Սարգսյանը

իրավախախտողի անունը, ազգանունը, պաշտոնը

ՀՀ, ք. Երևան, Կոմիտասի պող. 47/1, 3

մշտական բնակավայրը և հասցեն

Իրավախախտում կատարած անձը տեղեկացվել է, որ «Վարչական իրավախախտումների վերաբերյալ» ՀՀ օրենսգրքի 267-րդ հոդվածով սահմանված կարգով իրավունք ունի ծանոթանալու գործի նյութերին, բացատրություններ տալու, ապացույցներ ներկայացնելու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից. ելույթ ունենալու մայրենի լեզվով և օգտվելու թարգմանի ծառայություններից, եթե չի տիրապետում այն լեզվին, որով տարվում է վարույթը. գանգատարկելու գործով որոշումը: «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն գործը անձի բացակայությամբ քննվելու է միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Իրավախախտում կատարած անձը պատշաճ ծանուցվել է ՀՀ Շուկայի վերահսկողության տեսչական մարմնում 21.06.2023թ.-ին ժամը 11:00-ին կայանալիք վարչական գործի քննության մասին, որին ներկայացել է իրավախախտում կատարած անձի լ/ա Գագիկ Սարգսյանը:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի

աստիճանը, գույքային դրությունը, պատասխանատվությունը մեղմացնող և ծանրացնող հանգամանքները:

Միաժամանակ պարզվել է, որ ըստ ՀՀ պետական եկամուտների կոդմից տրամադրված տեղեկատվության ընկերության 2023 թվականի 1-ին եռամսյակի շրջանառությունը կազմում է 195 683 /մեկ հարյուր իննսունհինգ հազար վեց հարյուր ութսուներեք/ ՀՀ դրամ:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի


1. Տվյալ իրավախախտման համար պատասխանատու Լուիզա Գագիկի Սարգսյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 23-րդ մասով նախատեսված պատասխանատվության միջոցը, սահմանել տուգանք 50 000 /հիսուն հազար/ ՀՀ դրամի չափով, 158-րդ հոդվածի 42-րդ մասով նախատեսված պատասխանատվության միջոցը, սահմանել 500 000 /հինգ հարյուր հազար/ ՀՀ դրամի չափով տուգանք, 158-րդ հոդվածի 44-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի երկուհարյուրապատիկի և ստուգմանը նախորդող եռամսյակի մեկ տոկոսի չափով, այն է՝ 200 000+1957 ՀՀ դրամ, ընդհանուր՝ 201 957 / երկու հարյուր մեկ հազար ինը հարյուր հիսունյոթ/ ՀՀ դրամ, 188-րդ հոդվածի 3-րդ մասով նախատեսված պատասխանատվության միջոցը, սահմանել տուգանք 100 000 /մեկ հարյուր հազար/ ՀՀ դրամի չափով և 188-րդ հոդվածի 7-րդ մասով նախատեսված պատասխանատվության միջոցը, սահմանել տուգանք 1 000 000 / մեկ միլիոն/ ՀՀ դրամի չափով, ընդհանուր՝ 1 851 957 /մեկ միլիոն ութ հարյուր հիսունմեկ հազար ինը հարյուր հիսունյոթ/ ՀՀ դրամի չափով:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈԼՅԱՆ